



REPUBLIKA E SHQIPËRISË
KOMISIONI I PROKURIMIT PUBLIK

Nr. 611/2 prot

Datë 12.03.2024

FORMULAR PËR PUBLIKIM
LIDHUR ME ARSYET E SKUALIFIKIMIT NË RASTIN E ANKESAVE PËR
VENDIMIN E VLERËSIMIT/KLASIFIKIMIT PËRFUNDIMTAR

- Objekt:** Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga operatori ekonomik “Eko-Studio-Projekt” SHPK në procedurën e prokurimit “*Procedurë e hapur, e thjeshtuar*”, me Nr.REF-94828-02-08-2024, me objekt “*Monitorimi i Parametrave Mjedisore dhe Hartimi i Raporteve Mjedisore per Landfillin*”, me fond limit 3,000,000 lekë pa TVSH, zhvilluar më datë 20.02.2024, nga autoriteti kontraktor, ECO-ELB SHA.
- Ankimues:** Operatori ekonomik “Eko-Studio-Projekt” SHPK me NIPT (L03614803Q), me adresë: Njësia Bashkiake Nr.5, Bulevardi “Gjergj Fishta”, Godina Nr.48, Kati i parë, Tiranë
- Autoriteti Kontraktor:** ECO-ELB SHA, me adresë: Lagja “Brigada 17 Sulmuese”, Bulevardi “Qemal Stafa”, Elbasan

Në datën 11.03.2024 pranë Komisionit të Prokurimit Publik, është administruar ankimi elektronik me nr. aplikimi të ankesës online A/2024/3887 datë 11.03.2024 dhe me nr. protokollin 611/2024, e operatorit ekonomik “Eko-Studio-Projekt” SHPK për procedurën e prokurimit “*Procedurë e hapur, e thjeshtuar*”, me Nr.REF-94828-02-08-2024, me objekt “*Monitorimi i Parametrave Mjedisore dhe Hartimi i Raporteve Mjedisore per Landfillin*”, me fond limit 3,000,000 lekë pa TVSH, zhvilluar më datë 20.02.2024, nga autoriteti kontraktor, ECO-ELB SHA.

Nga shqyrtimi paraprak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të Ofertave mbi skualifikimin e ofertës së paraqitur nga operatori ekonomik “Eko-Studio-Projekt” SHPK, në procedurën e mësipërme të prokurimit.

Bazuar në nenin 112, pika 4, gërma “b” të ligjit nr. 162/2020 “Për prokurimin publik”, ku parashikohet se: “Në mënyrë që ankesa të bëhet e aksesueshme jo vetëm nga autoriteti ose enti kontraktor, por njëkohësisht edhe nga operatorët ekonomikë të interesuar, KPP-ja publikon:

b) arsyet e skualifikimit në rastin e ankesave për vendimin e vlerësimit/klasifikimit përfundimtar;”.

Komisioni i Prokurimit Publik do të publikojë arsyet e skualifikimit që operatori ekonomik “Eko-Studio-Projekt” SHPK kundërshton me anë të ankimit elektronik nr. A/2024/3887 datë 11.03.2024 dhe me nr. protokollin 611/2024. Konkretisht për arsyet e skualifikimit si më poshtë:

“OPERATORI “Eko Studio Projekt”

Operatori “ Eko Studio Projekt ” nuk permbush piken 2.3.3 te Dst 2.3.3 Operatori Ekonomik, duhet të sigurojë të paktën 1 (një) mjet në pronësi ose me qira për të bërë të mundur lëvizjen e instrumenteve dhe pajisjeve laboratorike, për realizimin e projektit.

- Për mjetet që janë në pronësi duhet të paraqiten dokumenti që vërteton regjistrimin e mjetit leja e qarkullimit: certifikatën e kontrollit teknik, siguracioni i mjetit i vlefshëm.*
- Për mjetet që janë me qira krahas dokumentit të mësipërm duhet të paraqitet edhe kontrata e qirasë.*

OE “ Eko Studio Projekt ” ne lidhje me 3 mjetet qe disponon :

Ka ngarkuar ne sistem vetem ÇERTEFIKATA E PRONËSISË SË MJETIT RRUGOR dhe vertetim nga Drejtoria e Përgjithshme e Shërbimeve të Transportit Rrugor (DPSHTRR) ku verteton se nuk është debitor për takset vjetore të mjeteve të perdorura , gjoha të kontrollit Teknik , gjoha të kontrollit në rrugë dhe nuk është bllokuar nga organet kompetente , por nuk ka ngarkuar asnjë nga dokumentat e me poshte kerkuar sic jane leja e qarkullimit , certifikata e kontrollit Teknik dhe siguracioni I mjetit te vlefshem.

Operatori “ Eko Studio Projekt ” nuk permbush piken 2.3.4 te Dst

2.3.4 Operatori Ekonomik duhet të disponojë përpara datës së shpalljes së kësaj gare, si pjesë të stafit të tij, Inxhinier Mjedisi me diplomë master si dhe të paktën një specialist/e të diplomuar me master në Kimi ose diploma të ngjashme me to.

Ne lidhje me piken 2.3.4 ku kerkohet qe subjekti te kete te punesuar nje Kimist OE ka paraqitur vetem Kontraten Individuale te Punes dhe nje Cv por nuk ka ngarkuar nje document (Diplome) ku te vertetohet se punonjësja është e kualifikuar sic kerkohet ne piken 2.3.4 te Dst.

Operatori “ Eko Studio Projekt ” nuk përmbush pikën 2.3.5 të DST

2.3.5 Operatori Ekonomik, duhet të vërtetojë se mund të sigurojë të paktën 1 (një) pajisje laboratorike, për të bërë të mundur matjen e cdo parametri të listuar. OE duhet të paraqesë një deklaratë, ku për çdo parametër të listuar në shtojcën Nr.5 të vërtetojë se disponon një pajisje laboratorike dhe të shpjegojë se si do të realizohet matja e secilit parametër.

** Faturën e blerjes (në rast pronësie) ose*

** Kontratën e qirasë (në rastin e marrjes me qira).*

OE “Eko Studio Projekt” ka paraqitur vetem nje prezantim te subjektit, punes qe kryen , organigrames dhe teresise se pajisjeve qe disponon duke mos dorezuar nje deklarate sic kerkohet ne piken 2.3.5 te dst ku te jepet shpjegim per pajisjet laboratorike qe do te perdoren dhe menyra e perdorimit te tyre ,vetem per parametrat e listuar ne shtojcen 5 .

Sa mesiper, operatori “ Eko Studio Projekt ” nuk kualifikohet në lidhje me këto kritere.

Në LPP nr. 162, datë 23.12.2020 "Për Prokurimin Publik", neni 92, pika 3, parashikohet se: 3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji. ”

Publikuar në regjistrin e ankesave më datë 12.03.2024.

KOMISIONI I PROKURIMIT PUBLIK

Anëtar
Kreshnik Ternova

Anëtar
Anila Malaj

Kryetar
Jonaid Myzyri